

DEN AMBIENTE

Julius Andre ta na Aruba pa introduci su CD "E PROMESA RIBA BO DIA"



***Aki por aprecia Julius Andrew den Aruba Recording Studio hunto cu Don Antonio Lacle y Shon Pa Kelly.

** Ya for di diahuebs ta na Aruba e popular cantante Boneriano Julius Andre, pa asina personalmente introduci su CD titula "E Promesa Riba Bo Dia".

Manera recientemente DEN AMBIENTE a relata un entrevista exclusivo cu Julius Andre, kende ta na caminda pa bay presenta na Las Vegas. Prome cu e realiza e viaha aki, e mester a produci un produccion pa e mercado Antiyano, cual produccion a caba di yega for di Estados Unidos.

Ta trata di un CD completamente dedica na musica ranchera pero den nos idioma papiamento. Riba e CD aki ta aparece 13 cancion; "Bo Dia", cual ta un cancion dedica na esnan cu a cumpli aña; "Tanten", ta bisa cu tanten bo tin sanger den bo vena y rosea bo por conta cu mi; "Ta Berdad", ta berdad cu mi kier a bay pero mi ta sinti bo falta; "Oh Gran Dios", ta reflega e sufrimiento y pena cu ta solamente Dios ta na altura di e amor cu a bay pa no bolbe mas; "Anochi mi a soño cu bo", cual ta papia pa su mes; "Unda Bo Ta", pa e persona scuitario cu ta buscando su pareha; "Pa Hacimi Feliz", un cancion cu ta expresa cu bo no por cumpra un amor pa bo ta feliz; "Mi a kibu-

cam", ta ora bo escohe y despues realiza cu bo ta robez; "Ohala", despues di nos separacion toch mi ta desea bo pa tur cos bay bo bon; "Bondad", ta plama bondad rond mundo hunto cu naturalesa; "Muher Traidora", cual ta papia pa su mes; "Amor y tracion", cu ta bisa di un amor cu ta resulta den un traicion; "Amor Berdadero", ta e amor puro y sincero cu nunca por odia ni vengas.

E grabacion di e produccion aki a tuma lugar den Aruba Recording Studio, na unda Julius Andre a ser acompaña pa Mariachi Orguyo di Aruba y Mariachi Lirios del Campo. E produccion aki a ser produci pa Shon Pa Kelly y Don Antonio Lacle como ingeniero di studio.


Por a compronde for di Julius Andre cu for di momento cu e CD a cuminsa resona na radio, el a ser acepta instantemente tanto na Bonaire y Curacao. Actualmente na ambos islanan ruman, e tres temanan "Tanten", "Muher Traidora" y "Bondad" ta zonando sin fin riba e diferente radio emisoranan.

Julius Andre ta hopi contento di ta na Aruba pa asina e por introduci su CD y mas ainda cu ta den studio di grabacion na Aruba el a realiza e grabacion cu acompañamento musical di Aruba su dos tremendo grupo di mariachi.

Ta pesey mes e tin tur confianza cu aki na Aruba tambe e CD aki lo bay ta un éxito. Por a compronde for di Julius cu for di ayera caba e disco compacto ta obtenible serca e diferente disco barnan.

Mientras cu pa dia 19 di april proximo lo bay tin e acto di bautismo na Bonaire y na Aruba dia 29 di april. Durante e acto di bautismo aki na Aruba, Julius Andre lo bay presenta tur su cancionnan acompaña pa Mariachi Lirios del Campo.

Durante e programa "Show di Poets" awe entre 12'or pa 3'or di atardi na Cristal FM 101.7, Julius Andre lo ta presente pa introduci su CD "E Promesa Riba Bo Dia"...



Mayan diadomingo den Butishi di Alegria..

FESTIVAL DI BOLERO Y

VICENTE KELLY Y LOS PIMENTOSOS..

** Mayan diadomingo den e programa di BUTISHI DI ALEGRIA lo tin presentacion di e cantantenan, kendenan a actua den e grandioso festival di Bolero, cu Rufo Odor a organisa dos siman pasa den Cas di Cultura. Tur oyentenan lo por disfruta di e boleronan masha bunita mes. Varios di e boleronan aki te ainda ta resona den oido di nos grandinan. Pesey nos kier recomenda tur oyente pa scucha nos cantantenan interpretando e bunita boleronan di antaño. Entre esnan cu ta presenta, lo por scucha Trio Huasteca cu un precioso seleccion di bolero.

Tambe lo tin presentacion di e disco compacto nobo di Vicente Kelly y Los Pimentosos. Manera ta conoci, Vicente Kelly ta e popular cantor di pueblo di Aruba, kende ultimamente ta cosechando enorme éxito cu tur su composicionnan.

No keda sin scucha

**TELEFONAN DI DIARIO
826747- FAX 828551**